



## **EBAZPENA, 2020ko URTARRILAREN 31koa, HEZKUNTZA SAILEKO LANGILEAK KUDEATZEKO ZUZENDARIARENA, EUSKAL AUTONOMIA ERKIDEGOKO UNIBERTSITATEZ KANPOKO IKASTETXE PUBLIKOETAN ORDEZKAPENAK EGITEKO ORDEZKOGAIEN APARTEKO ZERRENDAK IREKITZEN DITUENA**

---

Euskal Autonomia Erkidegoko unibertsitateaz kanpoko ikastetxe publikoetan ordezkapenen premia guztiei aurre egiteko dauden zailtasunak kontuan hartuta, ordezkapenak egiteko ordezkogaien aparteko zerrendak irekitzen dira. Hori Eusko Jaurlaritzako Hezkuntza, Unibertsitate eta Ikerketako sailburuaren 2012ko abuztuaren 27ko Aginduaren 8.3.3 artikuluan aurreikusitako baldintzen arabera egingo da. Agindu horren arabera, prestakuntza pedagogiko eta didaktiko baldintza kendu ahal izango da zerrenda berriak irekitzerakoan, “baldin eta espezialitate jakin batzuetan, aurreikuspenen arabera, ezin izango badira postuak eskakizun hori betetzen duten hautagaiekin bete”.

Horren arabera, eta apirilaren 11ko 79/2017 dekretuak, Hezkuntza Sailaren egitura organikoa eta funtzionala ezartzen dituenak, 10. artikuluan xedatutakoaren arabera,

### **EBAZTEN DUT**

**Lehena.-** Ordezko gaien aparteko zerrendak irekitzea hiru lurralde historikoetako ikastetxe publikoetan, Eusko Jaurlaritzako Hezkuntza, Unibertsitate eta Ikerketako sailburuaren 2012ko abuztuaren 27ko Aginduaren 8.3.3 artikuluan aurreikusitako baldintzen arabera; hau da, prestakuntza pedagogiko eta didaktikoa egiaztatu gabe. Aipatutako baldintzekin irekiko diren zerrenden espezialitateak ebazpen honen I. eranskinean adierazten dira.

**Bigarrena.-** Deialdi honen parte-hartzea ebazpen honen II. eranskinean adierazten diren baldintzen arabera izango da.

### **ERREKURTSOAK**

Administrazio Publikoen Administrazio Prozedura Erkidearen urriaren 1eko 39/2015 legeak, 121. artikuluan eta hurrengoetan xedatutakoaren arabera, gorako errekurtsoa jarri ahal izango zaio Administrazio eta Zerbitzuen sailburuordeari ebazpen honen kontra, hilabeteko epean, argitara eman eta hurrengo egunetik kontaktzen hasita.

**JON AGIRRE HUERGA**  
**LANGILEAK KUDEATZEKO ZUZENDARIA**

Vitoria-Gasteizen, 2020ko urtarrilaren 31n



## I. ERANSKINA

<b>MAILA: BIGARREN HEZKUNTZA</b>		
<b>ESPEZIALITATEAK</b>	<b>KODE ETA IKASGAIEN ZERRENDAK</b>	<b>KODE ETA IKASGAIEN ZERRENDAK</b>
Frantsesa (*)	0102	HE 2
Ingelesa (*)	0103	HE 2
Alemana (*)	0104	HE 2
Euskara eta Literatura (*)	0106	HE 2
Latina (*)	0126	HE 2
Grekoa (*)	0127	HE 2
Musika (*)	0131	HE 2
Gaztelania eta Euskal literatura (*)	0134	HE 2
Informatika (*)	0237	HE 2
Ibilgailuak mantentzeko prozesuak eta antolamendua (*)	1506	HE 2
Fabrikazio mekanikoko proiektuak eta antolamendua (*)	1508	HE 2
Sistema elektroteknikoak eta automatikoak (*)	1510	HE 2
Sistema elektronikoak (*)	1511	HE 2
Zurgintzako eta altzarigintzako prozesuak eta produktuak (*)	1514	HE 2
Nabigazioa eta itsas instalazioak (*)	1515	HE 2
<b>MAILA: LANBIDE HEZIKETA</b>		
<b>ESPEZIALITATEAK</b>	<b>KODE ETA IKASGAIEN ZERRENDAK</b>	<b>KODE ETA IKASGAIEN ZERRENDAK</b>
Ibilgailuen mantentze-lanak (*)	1546	HE 2
Informatika-sistemak eta -aplikazioak (*)	1555	HE 2
Arotzeriako eta altzarigintzako fabrikazioa eta instalazioa (*)	1558	HE 2
Soldadura (*)	1561	HE 2
<b>MAILA: HIZKUNTZEN IRAKASKUNTZA</b>		
<b>ESPEZIALITATEAK</b>	<b>KODE ETA IKASGAIEN ZERRENDAK</b>	<b>KODE ETA IKASGAIEN ZERRENDAK</b>
Ingelesa HEO (*)	0750	HE 2
Frantsesa HEO (*)	0751	HE 2
Alemana HEO (*)	0752	HE 2
Euskara HEO (*)	0753	HE 2

(\*) Salbuespen gisa, zerrendak irekitzen dira prestakuntza pedagogikoa eta didaktikoa egiaztatzeko eskakizunik gabe. Onartuak diren pertsonen prestakuntza pedagogikoa eta didaktikoa baldintza hori betetzen duen hautagairik ez badago bakarrik deituko zaie (ikus II. eranskineko "Zerrendetan onartzeko baldintzak" atala).



## II. ERANSKINA

### BALDINTZAK

**1.- ESKAKIZUN OROKORRAK:** Eusko Jaurlaritzako Hezkuntza, Unibertsitate eta Ikerketa sailburuaren 2012ko abuztuaren 27ko aginduaren (2012-09-11ko EHAA) 7. artikuluan eta geroagoko aldaketetan xedatutakoak.

Irakasleen hizkuntza eskakizunari buruzko baldintzari dagokionez, irakasleen HE2 (C1 maila edo handiagoa) egiaztatu beharko da. Maila horrekin bat datozen ziurtagiriak edo kreditatzeak kontsulta daitezke Hezkuntza Saileko web orrian: Langileak / Ordezkapenatarako izangaiak – Irakasleak / Aparteko zerrendak irekitzea / On-line eskaera / ”Eskabidea on-line betetzeko ohar inportanteak” estekan sakatuz.

**2.- ESKAKIZUN ESPEZIFIKOAK:** Eusko Jaurlaritzako Hezkuntza, Unibertsitate eta Ikerketa sailburuaren 2012ko abuztuaren 27ko aginduaren (2012-09-11ko EHAA) 8.1 eta 8.2 artikuluan eta geroagoko aldaketetan xedatutakoak, **Titulazio akademikoari** buruzkoa.

Espezialitate bakoitzerako eskatutako titulazioa egiaztatu beharko da, 2012ko abuztuaren 27ko aginduak Espezialitate eta titulazioen taulari buruzko III. Eranskinean xedatutakoaren arabera, zehazten diren ondorioekin. Taula hori kontsultatzeko (gaurkotuta, egindako aldaketak barne) [http://www.euskadi.eus/contenidos/informacion/langile\\_d\\_cand\\_sust\\_normativa/eu\\_def/adjuntos/anexo\\_III\\_actual\\_26\\_02\\_2019\\_e.pdf](http://www.euskadi.eus/contenidos/informacion/langile_d_cand_sust_normativa/eu_def/adjuntos/anexo_III_actual_26_02_2019_e.pdf) joko beharko da.

### 3.- ADIN TXIKIKO BABESA:

Adin Txikikoa Juridikoki Babesteari buruzko urtarrilaren 15eko 1/1996 lege organikoko 13 artikuluan 5 atalean xedatutakoaren arabera (haur eta nerabeak babesteko sistema aldatzen duen uztailearen 28ko 26/2015 legearen bidez sartua), sexu-askatasunaren eta osotasunaren kontrako delituen batengatik - sexu-erasoa eta abusua, sexu-jazarpena, exhibizionismoa eta sexu-probokazioa, prostituzioa eta sexu-esplotazioa, adingabeen galaraztea eta gizakien trafikoa sartzen dira delitu horietan-, sententzia irmoaren bidez zigorrik jaso ez izana izango da adin txikikoekin ohiko kontaktua izatea dakarten profesioetan aritzeko baldintza. Horretarako, sexu-gaizkileen Erregistro Zentralaren ziurtagiri negatibo bat aurkeztu beharko da, baldintza hori betetzen dela egiaztatzeko, edo on-line eskabidean erantzukizunpeko adierazpena bete beharko da, Hezkuntza Saila Sexu-delitugileen Erregistro Zentralean datuak kontsultatu ahal izateko esanbidezko baimena ematen diona; horretarako, “Adingabearen babesa” laukia markatu beharko da.

Ordezko gaiek, lanpostu bat betetzeko deitzen zaienean, ziurtagiri hori aurkeztu beharko dute edo Sailak kontsulta egingo du (on-line eskaeran adierazpen arduratsua, datuak Sexu Delitu Egileen Erregistro Zentralean kontsultatu ahal izateko berariazko baimena sartuko duena, bete badu). Adierazitako delituengatik zigorra jaso badute edo aipatutako ziurtagiria aurkeztu ez badute (kontsultatzeko baimena eman ezean), prozedura honetan parte hartzeagatik izan zitzaketen eskubide guztiak galduko dituzte.



## ESKAERAK BETETZEA ETA DOKUMENTAZIOA AURKEZTEA (ESKAKIZUNAK)

### 1.- EPEA:

#### 2020ko urtarrilaren 3tik 7ra arte, biak barne.

Aurkeztutako eskabideen kopurua ez bada nahikoa dauden ordezkapen-beharrei erantzuteko, irekiera honek, salbuespeneko izaeraz, bost eguneko epea izango du eskabideak aurkezteko (2020ko otsailaren 3tik 7ra arte).

### 2.- ESKAERA BETETZEA:

Eskaerak eskura egongo dira:

- [www.irakasle.eus](http://www.irakasle.eus) orrian / Irakaslegunea / “Administrazio-izapideak” eta “Zerrendak irekitzea” / “Zerrenda-Irekitze Berriak” – “Eskaera-aldi irekia dutenak”.
- [www.euskadi.eus/eusko-jaurlaritza/hezkuntza-saila/](http://www.euskadi.eus/eusko-jaurlaritza/hezkuntza-saila/) orrian / Lan-Arloak / Langileak / Hornikuntza-Irakasleak / Ordezkapenatarako izangaiak / Aparteko zerrendak irekitzea / Zerrendak irekitzea / 2020-01-31ko deialdia eta [www.irakasle.eus](http://www.irakasle.eus) estekan klik eginez.

Eskaera betetzeko ([www.irakasle.eus](http://www.irakasle.eus) helbidean), erabiltzailea (NANa) eta pasa-hitza sartu beharko dira. Pasa-hitzarik ez baduzu edo gogorutzen ez baduzu, aipatutako [www.irakasle.eus](http://www.irakasle.eus) orriaren bidez lortu ahal izango duzu, “pasa-hitza lortzea (edo berreskuratzea)” estekan.

On-line eskabidea erabat bete ondoren (\*), itxi beharko da eta, horretarako, “Eskabidea amaitu eta agiria sortu” atala markatu beharko da, ondo balidatuta eta erregistratuta gera dadin. Eskabidea ixten ez bada, “Eskabidea amaitu eta agiria sortu” atala markatuz, eskabidea ez dela aurkeztu ulertuko da.

### 3.- BALDINTZAK EGIAZTATZEKO DOKUMENTAZIOA ENTREGATZEA:

Adierazitako epean zerrendara/zerrendetara sartzeko exijitutako baldintzak egiaztatzeke agiriak besterik ez da/dira entregatu beharko (\*). Ordezko gaei buruzko aginduaren I. eranskinean adierazitako merezimenduak geroago aurkeztu beharko dira, deialdi honetan onartutako eta kanpoan utzitako pertsonen buruzko behin betiko ebazpena argitara eman ondoren aurrera eramango den urteko lehen birbarematze-prozesuan.

#### 3.1.- Titulazio akademikoa/tituluaren tasak ordaindu izanaren ziurtagiria eta hizkuntzen egiaztapena formatu elektronikoa eta ondorengo moduan aurkeztuko dira:

Eskaera on-line betetzeko unean, “Prestakuntza akademikoa-titulua” atalean, gaineratuko da. Aurkezten den titulua/ziurtagiria zein den adieraziko da eta, ondoren, “Titulua atxikitu” eremuaren bidez, eskaneatutako dokumentua, pdf formatuan, gehituko da (gaineratu beharreko fitxategi bakoitzaren tamaina ezin da 3 MBtik gorakoa izan).

Eskatutako hizkuntza eskakizuna egiaztatzeari dagokionez, Euskal Autonomia Erkidegoko EGA eta HEO eta HABE ziurtagiriak ez dira entregatu beharko, Euskara Tituluen eta Ziurtagirien Erregistro Bateratuan badaude. Halaber, ez da beharrezkoa izango Euskara Tituluen eta Ziurtagirien Erregistro Bateratuan jasotako euskara-salbuespena egiaztatzea, Euskal Herriko Unibertsitatean lortutako unibertsitate-tituluei dagokienez.

Pertsona bakoitzak jakin dezan ea dituen egiaztapenak edo salbuespenak Euskara Tituluen eta Ziurtagirien Erregistro Bateratuan jasota dauden, kontsultatu ahal izango du aipatutako erregistroaren webgunean: <https://www.euskadi.eus/euskara-tituluen-eta-ziurtagirien-erregistro-bateratua/web01-a2etzeb/eu/>



Prozesu honetan parte hartzeak esan nahi du interesdunak baimena ematen diola Hezkuntza Sailari Euskara Tituluen eta Ziurtagirien Erregistro Bateratuan adierazitako datuak kontsultatzeko.

Euskara-salbuespenari dagokionez, Mondragon eta Deustuko unibertsitateetako unibertsitate-tituluei dagokienez, dagokion unibertsitateak emandako ziurtagiria aurkeztu beharko da (apirilaren 3ko 47/2012 Dekretuaren 2. eta 5. artikulua, euskaraz egindako ikasketa ofizialak aitortzeari eta hizkuntza-titulu eta -ziurtagiriekin egiaztatzen salbuesteari buruzkoak).

**3.2.- Baimenak:** ondorengo baldintzak kontsultatzeko baimena eman ahal izango zaio Hezkuntza Sailari eta, kasu horretan, ez dira egiaztagiria aurkeztu beharko:

\* Identitatea (NANa, NIE, beste batzuk).

\* Delitu sexualak (Urtarrilaren 15eko 1/1996 lege organikoaren 13.5. art.).

Aurreko baldintzak kontsultatzeko baimena eman ezean, egiaztatzen behar den dokumentazioa aurkeztu beharko da (\*)

(\*) Informatika-ekipamendurik ez duten pertsonak Eusko Jaurlaritzaren KZGunean egin ahal izango dute eskabidea, bai eta egiaztagiria on-line erantsi ere (baldin eta memoria edo disko gogor USB batean digitalizatuta eramaten badute). KZGuneen zerrenda eta kokapena honako helbide elektronikoa honetan dago eskuragarri: [www.kzgunea.eus](http://www.kzgunea.eus).

## ZERRENDETAN ONARTZEKO BALDINTZAK

- Irekiera honetan onartutako pertsonak zerrenda bereizi batean sartuko dira, non titulazio akademikoaren baldintza betetzen duten baina prestakuntza pedagogiko eta didaktikoaren baldintza betetzen ez duten pertsonak osatuta dagoen.

- Ordezkapenak egiteko bakarrik deituko zaie, baldin eta prestakuntza pedagogiko eta didaktikoa duen hautagairik ez badago.

- Ordezkapen-premiei aurre egiteko deialdien ondorioetarako baino ez dira onartuko zerrenda berezian, baldin eta prestakuntza pedagogiko eta didaktikoaren baldintza betetzen duen pertsonarik ez badago; horrek, ordea, ez du inolako eskubiderik emango deitutako espezialitatearen bati dagokion irakasle-kidego batean karrerako funtzionario gisa sartzeko etorkizuneko hautaketa-prozesuetan parte hartzeko. Prozesu horietan, nolahi ere, beharrezkoa izango da prestakuntza pedagogiko eta didaktikoa izatea.

Zerrenda berezia arautzen duen araudia honakoa da: Eusko Jaurlaritzako Hezkuntza, Unibertsitate eta Ikerketako sailburuaren 2012ko abuztuaren 27ko Aginduaren (2012-09-11ko EHAA) 5., 8.3.3, 14.3, 24.1, 32.5 eta 32.6 artikulua eta ondorengo aldaketak.

## ORDENA

Prestakuntza pedagogiko eta didaktikorik ez dutenek osatutako zerrenda berezia antolatuko da dauden zerrenden barruan, Hezkuntza, Unibertsitate eta Ikerketako sailburuaren 2012ko abuztuaren 27ko Aginduaren 5. artikuluan aurreikusitako lehentasun-ordenaren arabera.

Adierazitako zerrenda bereziaren barruan, pertsonak alfabetikoki, izen-deituren arabera, ordenatuko dira, "L" letratik hasita, Langileak Kudeatzeko zuzendariaren 2019ko otsailaren 14ko ebazpenak, 2019/2020ko ikasturtean ordezkapenak egiteko ordezko gaiak kudeatzeko prozesuan, baita ikasturte



horretan zehar dei daitekeen beste edozein aukeratze-prozesutan ere, alfabeto-ordena zehaztuko duen letra erabakitzeke zozketaren emaitza argitara ematen duenak, xedatutakoaren arabera.

Zerrenda horretako pertsonak parte hartuko dute, deialdi hau ebatzi ondoren, aurrera eramango den lehen birbarematze-prozesuan parte. Birbaremazio-prozesu horretan, adierazitako zerrenda bereizian mantenduko dira. Prestakuntza pedagogiko eta didaktikoa dutela egiaztatu ondoren, zerrenda orokorrean sartu ahal izango dira (ordezkapen beharrei aurre egiteko hautagaien lehentasunezko zerrenda).

## ZERRENDEN ARGITARAPENA

Onartutakoen eta kanpoan utzitakoen behin-behineko eta behin betiko ebazpena argitara emango da:

- [www.irakasle.eus](http://www.irakasle.eus) orrian / Irakaslegunea / “Administrazio-izapideak” eta “Zerrenda-irekiera” / “Zerrenda-Irekitze Berriak” – “Eskaera-aldi itxia dutenak (Prozesuaren segimendua)” estekan klik eginez.
- [www.euskadi.eus/eusko-jaurjaritza/hezkuntza-saila/](http://www.euskadi.eus/eusko-jaurjaritza/hezkuntza-saila/) orrian / LAN-ARLOAK -> Langileak -> Hornikuntza-Irakasleak -> Ordezkapenatarako izangaiak -> Aparteko zerrendak irekitzea -> Zerrendak irekitzea -> 2020-01-31ko deialdia, eta [www.irakasle.eus](http://www.irakasle.eus) estekan klik eginez.